

秋澗先生大全文集卷第十三

五言律詩

哀尚書高公詞

維至元十一年甲戌十月壬子故吏禮部尚書高公以疾薨於位嗚呼哀哉明年乙亥夏四月丁巳考工使者蔡鉉自相抵晉始知公靈視歸葬安陽秋口鄉臨穴者幾萬人僚屬士友會哭皆失聲憚辱知最厚嘆斯民之無祿痛知己之難遇自非歌詞無以寓餘哀而露情臆也乃作挽詩三篇表於素旂之末尚冀神靈鑒茲哀悃其詩曰

翰學期公淺謨猷冠一時立

朝稱極諫連茹愧深知斗舌承天眷風神夢羽儀北

揮千字誅悲絕七哀詩思公情曷已
潭水日東馳

風調翔麟士文章太史辭行身無少玷持論有餘師

落日孤忠壯秋風西鬢絲幾行知己淚東望重淋漓

聞望群公表枝撐大厦材印窠空瑞錦風憲黯蘭臺

反拭驚麟出云亡動國哀千年遼海鶴華表倘歸來

枝撐一作扶持

送成耀御尹溫縣

邑古仍御米民屎待尹蘇十年留故事一治聽歌襦

鼎鼐調應切山川慘未濡莫辭淹函考留潤漑焦枯

奉題趙侯禹御東臯林亭

雅性便林壑紛華厭市墟庭柯交美蔭好鳥變新聲

喜見桑麻長誰知寵辱驚門前輪鞅滿一醉共秋成

物我同天壤流年遽代更高臺方畏景喬木已秋聲

默然感哀理都忘悔吝情只須多釀酒時與故人傾

今年秋獲早臺迥暮登時野徑人歸晚烟林鳥去遲

有來飛蓋客日課讀書兒適意有如此此外安所期

築臺連野色架木繫匏瓜舍外開三徑壺中自一家

愛唵歌白紵酒酒脫烏紗更喜南牕下秋風菊半華

野迥門開早心閑起自慵林香寫社甕山暝倚吟筇

半醉留佳客深耕愛老農晚眠誰復覺塙外月明春

趙侯敬愛客每云相見稀不辭高會數但恐賞心違

白酒夜來熟黃花香正菲賓僚多暇日無惜過柴扉

重謁棲桑昭烈帝廟

百里燕南道山河繞帝宮荒村仍故里喬木幾秋風
簡策經綸在丹青戶牖空寥々千載下無媿孔明公

固安道中

十月燕南道提封入按巡清霜嚴比雪枯樹老於人
尚遠經綸妙瀕勞撫字頻前林鳥鵲盛喧集戀餘春

除蝗

千杖呼聲急人懷愾敵看日長旗尾困圍促鼓聲乾
人與蝗交戰天將雨助殘東林茅屋底客枕夜來安
秋日過濟衆僧舍

院靜鐘鳴後僧閑暑退初過門無俗客閱古得名書
袖潤香留几心清月印瓦仲殊襟爽在開口見真如

送紫陽歸柳塘

千古文章事江河不廢流苦心公正聞書法繼春秋
夢繞秦山遠天教闕里遊會將洙泗教行復丐西周

午憩陽城北龍泉寺

倦客鞭催急龍泉一解鞍在家貧亦好行路古來難
寺古松杉老山空水石寒萬松亭廢久重拂短碑看

碑大定間刺史楊庭秀撰真奇作也

簡寄龐雲卿

軼井千年邑提封百里侯剖繁人有賴治簡事彌優
白鳥翻林表青山滿樹頭訟堂歸去早揔是釣詩鉤

元日夜燈下即事

五日又加三行藏默自諳去年留薊北今歲客漳南

官事何容了君思未報慚白頭青鏡裏衰謝百無堪

詠史開府宅鶴

超遥華表客吹落故侯家孤潔真仙驥飛鳴稱彩霞
困眠依竹石飢啄半虫沙會待秋風舉巢雲養頂砂

清苑道中

野店春風裏行人避綉衣劍華寒有暈山日慘無暉
孤隼梢雲下群鴉結陣飛驚鷗無遠泛事外本忘機

又作澄清吾有志
天意肯從違

至元十七年正月十三日已刻出完州抵

暮入保定夜未分雪大作至翼日午刻方

止偶得此詩頗喜歲事之有成也

曲逆連清苑相忘兩舍中朝驅塵沒馬夕捲雪真空

已滌崇隆盡仍歌歲事堂小紅燈影底一笑覺春融

一作誰云吾分薄
所向得安山

答蠡州天寧寺英老

灑落天寧老携尊復袖詩逢場閑作戲來謁老監司

白頂憐香土清塗說阿師一盃供客笑聊用當門槌

枉教頭惱異
初下問天嘆

座中偶得示舜舉舊遊仲賢良醫

半載東州客崎嶇笑自奄事隨時即故老與病相兼
發伏遺奸斡蹇惟愧具瞻君思如許報白髮且休添

龍門寺

寺古僧何在山空石作門碧崖懸瀑影蒼峽掩朝暎
不惜山公屐重登謝傳墩一杯須軟腳掃葉煖清尊

辭長樂先壠二首

已丑歲秋九月二十六日將赴任福唐
拜辭長樂先壠歸宿野竹趙氏田舍且
喜聞村之故名因有是作

別遠辭先壠歸遲宿近莊
容臆疑夜煖野雨變晨涼
游宦嗟吾老窮居仰歲穰
故鄉猶足樂誰遣去來方
展墓過農里街

思使遠方氣隨天北轉
人與雁南翔肝膽孤忠在
江湖去路長此回當自信
不必泥行藏

飲食

飲食資吾老行年六十過
三升元有料一口不容多
過爽心隨滯長噓氣便和
不須移遠步聖藥有東坡

辭先壠後臨行作

義重煙嵐薄人微使節光
桑榆雖晚景事業見炎光
回轡知非遠趣裝苦未涼
交親留少住馬足健秋霜
望舍弟消息

憶弟居穰縣嗟予宦建陽
三書曾未報一別謾相望
喜信占晨鵲清塗夢夜床
殘年能幾許長與汝參商
後會期初夏避征動暮秋
千金書渺上西地思悠上
問竹過門巷看雲倚郡樓
南遊曾有話會上沔陽舟
居守縈家累懷歸畏簡書
人憐英蕩重我覺宦情疎
緩進需安信頻呼斫素魚
後溪上上月北望想躊躇

送趙克敬任孟州同知

趙穆從英妙詩書性所安
擢為太史屬今作孟津官

事辦時為切民恬貴政寬老夫江海去州縣莫辭難

蕭相國廟

下粟東南陸鄧城井邑空圖書秦府夢蕭鼓漢宮

喬木秋烟慘頽垣野燒紅數鄉供野祭歲上不期同

火獵

綠竹連置遠蒼烟蔽野昏西傍羅草伴一火趁羣奔

從手遮麋鹿張弓得艾豚縱觀思獵較積柴散燒痕

汴堤道中

細竹沿堤綠秋烟蔽野蒼路荒經柳子山遠指芒碭

勉進心還尼懷歸事巨量縱令空往返猶得看維揚

十一月 三日宿淮寧夢總帥史子明見

教

矯上常山帥相望間楚秦夢中親與誨身外別無提

切囑心何朗臨辭手重携何時揮老淚墓額拜征西

次宿遷望紫山不至

河廣舟航小堤長市屋卑宿迂元隔楚淮甸舊連邳

濁浪隨清變香粳問客炊紫山前有約抵事北來遲

淮安州

平野淮園甸雙城入楚州喉襟開重地鼓角動邊樓

聞雁思鄉信歌魚撫劍緜此行安所遇江海任浮鷗

是夜解亭無故待
故有歌魚之句

寶應道中

共說淮南冷今冬氣陟增雲垂梅野雪風結漕渠冰

事弊尋常密吾襄用不能據鞍時自笑休苦直如繩

出寶應雪中舟行

避冷乘官舸風蓬去若奔
兩陂雲影黑一片雪花繁
景與詩相會寒無酒可溫
泥橋投宿處寒日暮鴉昏

高郵道中二首

築甬餘三百灣環護漕溝
重橋穿寶應一岸入高郵
水陸開亭轉烽煙靜塞愁
腰纏無十方官遣上揚州
湖浸通淮水孟城隱楚防
百年勞士卒一擲失金湯
陸走無閘禁舟行半海商
此邦多秀彥國士說秦郎

召伯埭

謝傳留遺愛千年尚不忘
埭名同名伯郡號屬維揚
烟火今中土干戈舊戰場
離七平野樹人指是甘棠

一作斷橋穿布道
十里藕花香

揚州

淮海維揚域金湯勢尚存
車書歸一混鯨鯢失孤吞
樓鎖行雲夢岡環洗玉盆
治安君有策長嘯出東門

衢州

我歷江南郡凋殘不似衢
兩坡稱鬧市一炬變荒蕪
反側誰無識瘡痍意未蘇
殷勤陳別駕不厭拊循劬
早發三衢驛開閤放曉裝
江風吹帽側山月照衣蒼
馬渡浮航水雞號野店霜
爛柯聞有局無分躡仙梁

州南三十里有天竺石梁
長約十丈謂之爛柯仙界

玉山道中

石徑行無盡清溪送馬蹄
啾啾啼野鳥榛榛喚多泥
松暗增晨黑川斜入望迷
比明三十里已過玉山西

常山道中晚行

土磴盤黃嶺人家住碧峰
焚林人逐戰競渡木為龍
水獲無過夏山行不識冬
斜陽留絕景不放晚烟烘

信州道中

控帶谿山嶮襟喉福建門
吳音饒駛舌越鼓聳邊屯
岸闊浮航小城早夕霽昏
不煩詢土俗烟嶺互相吞

石溪道中

赤嶺鉛山界清溪野店橋
林林煙漠漠沙路雨瀟瀟
馬慣行安嶮禽幽語弄嬌
西山晴更好詩思苦相撩

鵝湖寺已丑冬仲望日雨中過此坐間為

主僧希聲留題

湖頂開鵝沼川形偃法船
寺留金粟影僧結草鞋禪

地勝多珍木山空響夜泉
寺僧談遠跡張本永貞年

唐順宗年號

閩中

錦綉無諸國曾經漢武荒
祝融開火宅颶母擅風囊
淵萃逋逃藪人依虎兕鄉
閩中不識雪何有豸冠霜

閩清湯池留題

熙寧十年八月赴福唐元豐元年九月
被召還朝往返皆經此十五日南豐曾
鞏題僕以大元至元廿六年己丑秋按
部來閩與公裔孫冲子同事明年秋以
理去官與先生往還時月畧同曠世相
符有似非偶然者摩挲蘇刻留詩而去

重九前四日小子憚序

潦倒嗟吾老淹留近歲終客星回海上桂棹發閩中
遠宦無遺累歸帆得順風湯池看蘇刺往返似南豐

建寧北苑

北苑繁華歇名猶博望尊野花疑靨珥徑草半蘭蓀
軒縣歌鍾暗宮樓峻址存我來凝眺久喬木晚煙昏

望嶺

谿嶺無千里崎嶇半月間事机須勇退天意許生還
順處從多厄趨時免強顏越禽忻我往長路語闌闌

鵝湖道中

細路山園靜煙蘿野寺濃俯躬外峻嶺仰面看喬松
道在從時肯才踈助性慵有身官不屬一任老龍鍾

是日得臺報云

題柯山寶巖寺壁

同遊者山長趙文龍前教授徐夢龍執

友教官余性道

二人皆廣信人徐友文章最健

府推官

保定張式儀卿別駕東平陳珪國寶子

公孺侍行至元庚寅冬十月望日秋澗

老人題

龜阜西南麓名山世未雙爛柯仙有局絕觀石為石

事去空遺史風恬愛此邦來遊情眷二留詠寄僧牕

喜得陳張友來遊興不孤江山開恠供風月閱清都

閱世驚棋局看題倒酒壺暮歸應相載只欠畫為圖

首夏家居即事

懶噴從鬢鬢披衣任曳裾都忘身外事貪讀意中書
比老心能爾雖貧樂有餘繞園欣細履樹影綠扶疎
竹茂資泉潤花榮藉圃沙鈎廉來舞燕鎖樹護栖鴉
客至留酤酒吟長待煮茶幾時容却掃一向似仙家

方竹杖

節勁嫌圓甚形方與衆殊任從炎漢斷不變魯人觚
心曠謙中守姿堅義外扶蜀筇非我友釐簡乃吾徒
枯燈花

步入東瀛丈吟看北楹花春風收翠葉烈日發炎葩
一氣元無間孤根乃爾羞鄭箋初不及堯詠只空誇

送杜僉事之任江西

憶在齊州日同睽憲府鑣群居推健美孤繫更超羣

此去雖殊域規為祗舊條將身能道護所至儘風標

和幹臣重九日雨中醉歸韻

高會有成約寧為一雨妨烹雞酌白酒煮芋臭秋香
落帽同嘉興霑寒等陸郎醉歸從健倒聊復少年狂
今歲登高節佳招兩有妨閉門時隱几掃地靜焚香
安得黃金耐同傾白首郎醉鄉多樂事何祇發詩狂

事一作地

舍弟仲畧題孫鞅郎名字說後

訓汝諄匕意竒文見迴翁洞堅威可大棲鶻體須中
既應開先兆當知矯揉功遠期遺近効羽夾看摩空

贈藥子英詩

子英外郎孝廉士也十年前予與共事

於沙麓者凡兩月今歲秋將
命過衛踵門來謁話間因及親喪事予
以伏臘二氣過之者因然異歿而不壞
及膚髮猶生如藥氏二親者蓋亦罕見
豈迺翁與媪生有所積而歿有以孝心
之所感者然邪乞言顯親書此為贈其
辭曰

孝感元多異藥翁見化形初終神不昧將祔兩猶生
盡謝青蠅吊堪書翠琰銘百年風樹底悽斷蓼莪情
贈岳鍊師仲和

今年八十四健勝去年時豈假還丹力沉潛繕性辭
骨清儀野鶴神爽見毫眉更有虛明處物來多預知

月桂

花名誰品藻歲與月華新不為孤根細能留四季春
色深丹竈術葉映碧苔稠我近雕欄側終朝倚杖頻

賦白鷗

羽族幽閑品霜毛縷黑章聳冠矜耿介益用棲止不
雜于衆禽也
顧影惜飛翔去備虞人貢行觀

上國光刷毛琪樹底無夢海山蒼

京華舊俗歲終廿四日諸神上界夜家人
設祭遣奠致詞且有過過揚善之囑遂作
小詩庶見風物

五祀開三代人間閱歲華交更同選調遣奠具錫茶
天闔神駢馭燈清喜結花逢新如有問万一善相誇

和曲山冬夜即事韻二首

清苦周南樂居官素有聲
老天何汝困公道欲誰明
瓶罄憐三白衾寒盼五更
捋鬚儔賞識嗟苦撚霜莖
雪夜清無寐瓶笙細有聲
茶鐺吟待熟虛室白生明
白髮催人老青陽迫歲更
湛思盤露重何意望修莖
春酌舍弟仲畧見奇之什

隔閣三年別回還萬里程
細吟遠句深見友于情
路眇霜風勁吾衰體履平
家貧渠亦老一動不為輕

挽宋耀州漢臣二首

每有遊秦士慙慙問宋侯
相望無兩紀一別便千秋
斗酒新豐客堂封渭水
丘題詩何限恨老淚不成流
斗酒新豐客龍門接上游
相望終兩紀一夢便千秋

銘德辭無愧親民政最優
兩行知已淚撫卷為君流

辛卯歲十二月望日大雪連明信宿開霽

日色暄妍如春乾坤清淑之氣肅上可挹
數年來未之見也作小詩以紀

我覺今冬氣全閑燮理權一寒嚴往歲三白見豐年
地掩浮陽靜天開麗景妍不應薪米價愁計畫義錢

五加皮酒

服食閩中士加皮說異常
精華含五氣補益最多方
不羨黃金載長澆白玉觴
豈惟除濕痺志意日安強

題杜氏六子名後

六子名三老餘芳見故家
翰音鳴彩鳳翠茁映蘭芽
出拜濟南日今看漳水涯
一謙能事畢題詠復何加

燭花詩李真人素賦

燦々餞臺燭清光散彩霞誰分壺內景來種火中花一轉芝垂蓋孤芳蕙茁芽殘年如喜合世事任無涯

火觀

兩手寒來痲摩挲賴汝溫形骸雖土物氣勢炙權門燕王休誇暖湯婆可比尊心兵全不起留在谷神存

題甘河遇仙詩卷

惚恍甘河遇生龜脫懸時二仙形姓字一酌悟天彝入道茲玄微尋源接上池崢嶸山文寂雅畧不見諛辭

和仲常牡丹詩并序

仲常良友氣溫而德雅余愛之重之未有擬之形容爰因賦詠遂見賡歌放情

之所鍾有不嫌於太切者其詞曰

漢殿承恩早金盤薦露新色酣中省藥香重錦窠春儘殿群芳後誰辭載酒頻清如司馬相也作插花人

題郝氏世德碑後

故國非喬木雄藩有世臣河山盟帶礪勲業畫麒麟白羽沉蛟匣青雲滿後塵雅歌平日事遺愛在斯民草昧經綸際思威見郝侯功成韜將略德洽配汾流金甲春農野黃雲畫角秋哀榮何百世千古仰山丘

八月十二日夜病不能寐步月達曙

官事未易了癡兒昧獨勞病多和夢異蛩苦為秋號事業青燈苦星河紫極高

帝城人海裏汎上一漁舸

大行皇帝挽辭八首

至元三十一年歲次甲午正月廿二日

癸酉夜亥刻

帝崩於大內紫檀殿既殮殯于蕭牆之
帳殿從國禮也越三日乙亥寅刻

靈駕發引由建德門出次近郊北苑有
頃祖奠畢百官長號而退臣憚職在詞
館追思不已作挽辭八章庶幾鼎湖攀
髯之意其辭曰

樂水

龍飛日長揚羽獵時

天顏凡五見兩淚遽雙垂化日中天赫

陰靈萬國馳何由知

帝力耕鑿樂雍熙

晏駕總經宿憺車出建門千官紛雨淚

六御迅龍奔雲氣蒼梧遠天山禹穴昏依光瞻日月

頌德象乾坤

威破群雄膽息藏四海深聲明三五盛垂拱九重深
國論多儒斷天机入

睿臨小臣斲面血無路洒松林

聖神由廣運纂述到無加禹甸逾輪廣殷邦極靖加

尊臨三紀久遽陟九天遐白首金鑿舊長號自倍嗟

端月辰臨酉

淵衷弗寤典紫垣蓬莖學杞國駭天崩法從嗟何及

朝臣痛不勝

聖靈知在上春草認封陵

去歲回

鑿輅旌旄擁萬靈今春辭畫翼弓劍閱泉扃

黼辰虛瓊島雲龍慘

帝庭

是夜殿庭有光若燈燭

詞臣思補報淚濕簡編

青

論治方堯禹求賢到釣耕民區無二上廟莫有奇兵

萬寓風煙靜中天

日月明小臣思頌德終了是強名

帝系三宗上麟經一統尊火盤承正據虎落入推吞

窮蹙南郊獸奔騰北海鯤不放擒一索遺恨付

皇孫

題冀州馬同知拜慶詩卷

矍鑠征南將忠勤為國知任官無調轉享壽到期頤
錦爛行春里香生拜慶詩滿前蘭與玉又見福生基

秋日下直玉堂

下直玉堂廬閑拖過市車秋風殘暑候積雨暮涼初
撥置難行事尋看未見書方緣前已定不樂復何如

餞安南國王弟回鄂渚

萬里朝天道歸軒寓武昌觀光吳季札助順漢閩王
寵渥心逾赤新詩桂有香庾樓回首處秋月興元長

雪夜聞鐘元貞元年冬無雪十二月廿一日
日夜大雪喜而作此

雪屋燈青夕踈鐘定夜鳴撞餘周遠韻聽久喜雙清
爐火留孤坐茶鐺待一烹已眠猶未寐詩向枕邊成

王氏拜慶詩 并引

集賢大學士王顯太夫人張氏元真丙
申壽八十有八視聽聰明起居康健剪
製纂組之事老猶能工正月十四日蓋
生辰也中書右丞張公以外堂拜禮義
重諸人前期誕彌啟之

太母特召見宮閤存問再四嘉其賢淑
留讌賜奩下暨二孫皆霑

寵渥明日翰林諸君相與奉觴上壽百
拜獻詩猥當卷首

九秩康寧壽親承

燕賜恩香融彤管煒春滿綉輿溫世與名郎孝天全
五福尊佩環聲合度清響徹宮門

賈仲和慶八秩

君前宋魏國文元公遠裔其家世備見遺山所撰十

秋後錄

太史徵文獻陰功滿諫章諸孫宜曼衍八秩見康強
孝義聞東魯簪纓慶北堂千秋遺錄後奕葉又生光
慶閭庭直壽母詩

洗髓黃眉壽儀尊五福全雍容班姆訓瀟洒謝庭仙
致樂孫能養居官子更賢霑恩行有日香重誥鸞牋

送喬元朗

疆理初無外乾坤大統齊

漢恩同一視星鳥望中低海甸沉銅鼓
天書圻紫泥

皇威能遠暢歸旆拂雲霓

榕樹

南來過劔府嶺岸樹多榕繳結如蛇蚓堅凝比柏松
葉芽生挺代陰影散芳濃鶯羽群飛日凋零却是冬
五言絕句

贈高邑趙教諭

坐久槐花落黃金滿石牀一杯春露冷情話不知長

冬藏和曲山詠懷嚴韻

吾道有污隆人情逐冷暖自憐心事佳不覺天機淺

一作克教
任使天機淺
俗意無

貧居固鮮歡漏盡行當止只有苦吟心時止為高起
巨鉤釣鮮鱗其勢兩難着何當掩長圍為君獵麟脚
却掃吾未能人事日復日泛愛聖所稱亦復論損益
才疎詩倦吟年老酒當止君看古井波澄湛自不起

安坐

此心與天游老我無繫着坑頭有春溫安坐收兩脚

讀史

紛世利塗翳上桑榆日賢哉向長心一損勝三益

詠梅

折來何處梅自擬孤根暖寒花本強顏風味空不淺

己亥歲門帖子

不羨陶朱富非悲阮籍窮愛君思道泰憂國願年豐

跋呂友扇頭

井道養不窮濟人非望報過飲投青錢取廉非正道
秋雲自激

行雲映空明嬾妸翻輕轂風吹不成雨日暮空相逐
夢中得

燈殘細暈黃月落孤窓白惡夢不成眠幽魂驚撇捩
出門二首

因酒敗佳意方知百拜輕忘机甘李喻重賦赤霄行
踈拙傷吾性傾危見俗情出門山自好秋色浪崢嶸

望淮

朝日慘無色昏上水氣間到淮猶數里隔岸見尖山

夏夜

庭竹影扶踈清風晚駭眉夜涼人未眠卧看牕間月
出門

東風吹陰霾朝來晴霽開放眼門前去青山城際來

雨後看山

西山色蒼上雨後如新沐天高晴意寬歸雲滿巖谷

夢中得

持酒濯利劍青蛇光黯然金鞭上駿馬汗血沾錦韉
喜雨

癸丑六月旱草木變萎黃夜來聞雨落起舞亂登床

秋夜

西風入庭樹掩冉衆葉鳴幽人不能寐愛此秋雨聲

中秋制中對月

露冷庭梧墜天高月影長清光不堪掇和淚濕衣裳
披襟

涼風東北來蕩盡中夜熱起視河漢星微雲淡明滅

秋澗先生大全文集卷第十三



秋澗先生大全文集卷第十四

七言律詩

哭劉房山


紫髯山立蔚揚休書學推君到晉流文塚氣嚴驚卧
虎墨池星黯失蟠虬眼中人物嗟何及身後珠璣散
不收我擬九歌投濁浪重傷吾道轉悠悠

中秋月

夏苦蒸雲歲晏霜月華還覺此宵良天容澄徹銀河
沒桂影飛來海氣涼老魄不應秋更若賞心多為事
相妨一杯儘吸清光了洗我平生芥蒂腸

送王嘉父

新知雖樂道彌親尊酒燈前便故人時宦儘從閒處



着浩歌還愛醉時真紅蓮幕府名兼隱春草池塘句
有神恨煞百門山水錦波流不到東秦
一見襟期倍所聞霧宮玄豹隱竒文清樽皓月應無
幾赤日黃塵遽爾分濁酒可因微恙止天葩寧為舞
裙芬百年湖海論文地興在天東日暮雲

和靖教授送行詩韻

出處初心度義行蒼天誰識此精誠十年載質孤懷
苦一宦縻人弊屣輕時事失聲驚破釜幕蓮晴汎媿
參卿夢歸夜上栖巖桂猿鶴無勞久怨驚

秋日言懷

雨後秋堂早暮涼竹風飄蕩藥塵香身閒正坐詩成
癖親老何堪病在涼書卷日隨秋草亂壯心愁入野

雲蒼摩挲老鏡蓬牕底也效樊川洗鬢霜

清明日錦堤行樂

浪說蘭亭禊事修年上春好錦堤遊花翻舞袖驚歌
板柳隔高城暗酒樓綠樹恐應春事老金鞭重為使
君留竹西路晚歸時醉何處珠簾半上鉤

八月十九日雨晚晴

積雨收霖景氣清物華雖老覺容平間雲知倦爭歸
壑飛鳥趁林不計程山嫗翠鰲驚突兀天浮圓蓋失
枝撐化權舒慘吾何預要擬樊川賦晚晴

上史節使晉明壽

尚父忠勤歷五朝承家又見鳳遺毛神鋒洒落青冥
闊秋隼騫騰華岳高治化載清遵定法德容充擴決

吾曹年已盡，戟清香地常對。秋香醉露桃。

南城納涼晚歸

書院歸休日已曛，南城風細晚相親。坐來近市喧初息，歸到衡門夜向分。矮榻趁涼欣稚子，疎燈留影伴厨人。一盃粥了從高卧，須信閒身等策身。

七夕立秋

庭竹風生好雨過，碧梧飛下鳳凰柯。人間一夕驚秋早，天上雙星恨別多。鈿合蛛絲遺暗網，綺樓雲影淡明河。柳州羨煞天孫巧，其奈微生賦分何。

涼夜

祝融怙權不肯退，一夕好風吹暑回。雨氣淡從雲尾散，秋聲涼自樹頭來。渴來夢濯西江水，逸氣欣逢北

海盃憑語，蘭臺宋公子。莫因雲物詠悲哉。

八月十一日夜坐

輾轉秋懷鬱不平，憮然方寸若為驚。學疎久昧天人理，親老尤深喜惧情。坐對燈花供笑語，靜聞庭樹散秋聲。大家但使康強了，未害窮愁老此生。

雪晴望

滑上春泥雪意融，出門藜杖任西東。光風漸好茆簷喜，煙火全疎傳舍空。三穴既能容狡兎，五噫誰復羨冥鴻。更爲着眼登臺處，頗覺江山王氣雄。

題何練師巨川虛白菴

西風吹下鏡湖船，來作空山避世仙。採藥遠辭滄海上，結茆歸老白雲邊。鑑光應物元無物，素質能玄本

不玄莫遣碧桃溪畔水暗香浮出洞中天
鵬雲踪跡若垂天收歛都歸一室間塵境夢空祥已
止松巢枝穩鳥知還潭心印月清無滓谷口行雲意
自閒想得翠蘿幽隱處天風和水瀉空山

太康辰江亭

籌筆規模蓋世功新亭高構繼遺風乘秋閱武邊聲
靜臨水投醪士氣醲騏驎繼聞空塞北樓船行復下
江東慙慙淮水東邊月幾照元戎坐折衝

送紫陽婦柳塘

掛冠神武急趨裝婦隱秦中舊草堂海內共知元氣
在井邊已仰德星光眼明華嶽蓬峰翠路入函關草
樹黃預為山林報歸日綠楊陰合鄠南莊

送蕭四祖北上

丹鳳啣書下紫庭秋宵光動少微星蒲輪再起秦遺
逸天意將新漢典刑長策正勞黃屋夢故山從使白
雲扃中原有幸經綸了天外高鴻本自冥

上閻七學士

六轡連翩走使車繡衣風綵漢相如紛七漕計歸鞭
笑戀七丹心在

帝居折節不知軒冕貴濟時行奏便宜書從今慰却
蒼生望一點文星照玉除

壬子夏六月陪蕭徵君飲方丈南榮同會
者烏大使正卿董端卿經歷學士徒單雲
甫張提點幾道王秀才子初泊家府小子

憚隅侍席末云

脩竹脩_匕風滿廊夜深樽俎得餘涼
浩歌聲繞銀河水盡燭光凝
燕寢香雪蟻十分浮大白
德星一夕聚高堂
停盃更待東山月
要汲清光洗肺腸

送王子初東行

岱岳西南碧海東
青齊中據震維雄
驚猿別鶴休增怨
詭觀竒蹤得盡窮
劔暈寒輝騰寶氣
馬搖金蹠健秋風
欲知別後相思夢
多在西山紫桂叢

杜君美耕隱堂

厭喧耻向市朝居
歸隱南城舊草廬
黃葉落時農事隙
青燈明處夜窓虛
寫懷草就凌雲賦
貯腹看殘種樹書
翠竹白沙村路晚
月明幾駐故人車

春懷和木忽坦夫韻

茆屋春深懶閉藏
出門藜杖獨相將
春光暖透芝蘭谷
風色妬殘桃李場
論政舉知南國契
賦詩休詠北風涼
浮雲軒冕非吾事
擬訪無功覓醉鄉

雨中與諸公會飲市樓

每恨人生會合難
興來一醉盡君歡
雨沾翠佩簾花細
酒凸金杯飲興寬
胡旋舞低翻翠袖
串珠喉穩怯春寒
朝來酒醒蓬窻下
依舊春風首箇盤

秋漲後晚訪王克書舍

種柳堤邊起暮吟
黃金不博百年心
垣墉傾圯水初退
門巷蕭條秋向深
但遣歌詩酌野逸
儘隨鄉社共浮沉
鄰牆酒美中秋近
明月柴門約重臨

報子初以書見慰

擁鼻吟成嘆索居眼明驚見故人書邊城秋靜沉寒
拆畫戟門深曳翠裾契闊祗應分一水笑談曾不廢
三餘荅君不忍虛來意呵筆裁詩雪滿廬

春望

黯淡春雲雨意微小樓孤影立斜暉書能引睡聊遮
眼酒可吹愁任典衣桃蕾有情含笑發雁行無力拂
雲歸倚欄不盡登臨意獨對東風詠采薇

冬夜坐

虛堂人靜鼠窺燈霜葉瀟瀟散雨聲睡眠看書渾勉
強夜寤得月喜虛明漫長夜何時旦悄孤懷百
慮橫到底麓冠男子事幾回投筆壯班生

砧聲

揚溪蚕繭太豪華新帟蒙茸隱細紗不惜秋砧聲夜
杵要翻新法自吾家搗雲楮散光舒練拂散龍煤字
點鴉我錄詩書何所事擬尋源委泛靈槎

夜歸

月波環暈晚風淒宿館歸時獨杖藜曲巷門深驚剝
啄小樓燈影自高低歸心有限先回鴈世事無心類
木鷄淡蕩春風二十八忍將書劒坐羈棲

壽周都運

劍佩龍樓顧遇頻漕臺今復試經綸平生許國丹心
壯此日承家玉樹新德量潤涵淇水遠壽杯光動紫
川春朝天好在明年日金印重看拜伯仁

秋雨有懷呂丈子謙

賓館光陰一歲中，飄蕭吟鬢感秋風。
久諳世事無多味，靜覺書編有細功。
四壁夜虫秋思苦，一窗寒雨客床空。
對眠不見蘇州守，縱有新詩愧未工。

壽王參謀二首

郁上卿雲靄士林，不應止作一方霖。
無媒致位寧私已，有子傳家足慰心中卷。
在庭公事簡，壽毫浮彩蟻樽深。
非詩莫頌千春德，喜對梅花入細吟。
典郡風流漢表儀，一方春物自熙熙。
謝公雅量推平昔，楊震高風到四知。
畫戟清香凝燕寢，東山春酒照芝眉。
政成不獨褒金爵，賢守恩波在鳳池。

贈元仲一書記

名寓緇衣行，碩儒蒲輪却走事。
爨居万緣擺去，聊乘化一念深來。
為讀書黃閣，經綸宜自重。
青山談笑未全踈，相望未入廬山社。
日暮碧雲思有餘。

和仲一詩韻

世事紛拏八九違，未容立壑淡忘機。
須知霖雨思賢佐，終擬卿雲挾日飛。
麟閣勲名驚壯節，虎溪公案覺前非。
會看杖策軍門去，滿眼行山空夕暉。

娛志詩書不厭貧，蟄龍冬卧不求伸。
應憐擁篲侯門下，何似行歌澗水濱。
沙鳥忘机還自樂，池蛙睜目欲誰嗔。
悠上物理吾難料，會得摳衣問上人。

送百德正臣之汴梁

君璋序裏仰高懷，賓館相逢一笑開。
過眼摠非如意

事着詩時遣不羈材人驚駿骨空燕市夢逐秋風上
吹臺去上當途足知己未應空使劔鋒摧

贈王脩甫

樊川風調錦囊詩邂逅青樓豁所思得酒爰澆吟舌
健放談時露劔鋒差香翻月戶情難極風入庭梧鬢
已知過眼紛華終寂寞望君冠蓋鳳凰池

挽趙父師提舉

疋馬南來及撫棺磨礮空使憶當年師資有道無虛
飾賦業推公得正傳黃鳥此時空止棘青藜何處伴
談玄緬懷壽德宜無憾可忍羈魂似粵阡

送盧叔賢之鄧州

萬里風雲入壯懷斗南人已識奇材重看綠水開蓮

幕宛勝黃金築隗臺鈴閣風清談麈靜星弋煙暖漢
旗開後期竚聽平安報定逐梅花驛騎來

壽王子初

彩鳳高翔欲覽輝十年書史董生帷持心不為紛華
奪尚友常先遠大期內富經綸隆事業外涵風雅養
詩脾赤霄玄圃春風信百歲相期拾紫芝

自適

旋收柏實炷爐熏紙帳低垂自有春竹几隱眠無俗
夢蒲團容膝勝華裯窻間白日驚濤迅門外黃塵萬
事新幸與聖賢相晤語未辭藜藿此生貧

登熙春閣

封丘門外故宮傍天閣空餘內苑荒瀛海夢空三島

沒帝城煙慘五雲蒼石鱣照水鱗猶動金鳳凌雲勢
欲翔竒貨梁園當日盡為誰留在閱興亡

哀故宮

掖庭依約粉垣丹行入荒宮重黯然華表忽驚人世
換昆明重見劫寒灰石龍委地理秋草湖玉臨池倚
墓烟滿目悲風吹酒醒東華門外淚闌干

送趙相君北上

漢旆當年入汴州布衣曾此識君侯夏盟自列葵丘
會驪馬空騰瀚海秋万里風雲橫寶玦九天名姓動
金甌南遊正值朝天去望斷春風五鳳樓

登凌雲閣

布衣塵滿戴儒冠風袂來登上將壇棟藻雲飛朱戟
濕簷牙霜重玉梯寒風烟遠勝籌邊迥氣勢雄吞汴
水乾經畧江淮有成美不須重展地圖看

送王子初之鄧州

東風霽雨泛晴光桃李爭妍出短牆春意似留行客
住陌城都釀燕泥香三盃別酒清明後滿眼春愁錦
瑟傍一曲劒歌心事遠綠波南浦未應傷

送郝伯常歸堡塞

書劒南辭祀國天一歡傾倒酒爐邊鳳麟瑞質驚千
古江海詞源浩百川吾道莫傷今日否斯文將付後
來傳驪駒歌斷青山暮愧未嘗遊從馬遷

贈李幹臣

少年心事便拏雲，不着清談解世紛。自得士元參別駕，僵推伯比張。具軍一江夜，兩供吟筆。万里征鞍逐雁群，早晚春風笳鼓地，更看詩壘策奇勳。

登資聖閣

傑閣當年瑞靄氤，亂餘金碧半塵昏。豈知象教移中士，猶揭雄名護國門。法界冷沉梁苑月，寶香難返汝陽魂。傷心五嶺騰煙語，舉世從風莫與論。

跋西蒲老人燕處圖

甫脫孤城百戰危，蒼茫何處跨鯨歸。百年有感悲風樹，一旦無依足孝忠。遺像儼然留故事，寸心聊擬答春輝。遠游刺袖如瓜棗，海岳相逢會有期。

上史相君壽

麟閣勲高誓不磨，戟門春靜雀堪羅。盟高踐土尊王切，思入河南受賜多。好學世推同杜預，薦賢人道過常阿稱。觴何限輿人頌，細逐春風入凱歌。

過楚子卿冠軍宋義墓

乙卯春三月，予東如大名道，出內黃鎮，有廟在民居之南，曰項王廟。上之址，即卿子冠軍宋義墓也。且以往昔墟墓間，恍惚事來告予，甚鄙焉。獨於義之死，有所感焉。噫，義奇士也。初，武君舉兵渡淮，而西城攻野，戰勢若破竹。義之力居多，及師次定陶，再戰而再勝也。見梁志，滿氣驕識其奪魄，後值崩潰，果不踰素義。可謂深知兵矣。至羽請師，挾趙執以不可

觀其籌畫號令攻取先後之方誠上將之畧
惜不使差肩三傑北面以事高祖反區區委
質天久厭之楚與羽並驅爭先西向以舉虎
狼之秦何其不幸者哉雖然方秦之失鹿也
羣雄蝟起以蛇為龍者不可勝計布衣皇
之士能明目識帝王之真而歸之者蓋有之
矣誠未易一二數也至若淮陰韓信陽武陳
平一旦起而盡為楚用初且不知天命集漢
而後卒歸於漢功業如此幸也嗚呼假天假
義年晚脫身項氏策杖以歸真主其功名當
代縱不能廁三傑之列未至與噲等伍耳嗚
呼義何不幸也哉義何不過也哉因作詩以

吊并著予之感云

老項捐軍勢已孤擣秦遺趙見雄圖奇才惜不遭龍
準赤手爭教捋虎鬚日月不為荆楚計干戈空為漢
家毆因君重起無依嘆羨煞中林得止鳥

元齋

生平襟度玉無瑕天馬精神出渥洼北海罇壘無暇
日德公賓主到通家山高仰止人皆慕齋用元名意
匪誇教子以經平日事不應遺寔取其華

過朝歌

山勢西來擁廢宮荒煙回首接南鄘緬懷藝祖初經
野忍見狂童到覆宗野水作聲知客恨幽花含露為
誰容千年快意商郊戰流謗爭教有二亮

銅臺懷古

都邑盤_匕據四衝登臨形勢覺天雄歌樓暖響春風
細綺陌香銷寶氣空笑着孱王承宋弊至今奸孽擅
唐終憑高誰識神州恨付與衡漳日夜東

佑德觀早起留別道人陳彥達

碧桃花露濕衣涼宿酒醒時夜未央浩浩市聲喧曉
枕搖_匕星影入虛堂春風醉袖愁分手秋兩吟燈約
對床後夜月明東北路呂安歸夢半嵇康

康字兩行

寄蕭茂先

飄瀟襟韻吐伊嗷醉裏青衫兩鬢秋通介不隨衰俗
受清貧當向古人求城居貴似玉川子鄉思空懷馬

少遊蚤晚臨漪亭畔月一尊重為紫髯留

晚菊

竹瘦松枯怨歲寒為誰含露發幽研跡花儘秀開何
益晚節能昌固自賢採擷若英悲楚客破除秋色靜
斜川不辭潦倒東籬下桃李成蹊世舉然

聞詔

灤水嵩呼萬歲觴綸章飛下紫泥香九天空有風雲
夢萬國爭依日月光草木變衰元氣活乾坤開霽老
陰藏兩都耆舊欣相告四十年来未省嘗

陽穀道中有懷黃石公事寄呈敬齋姚公

雪齋請益初心在東郡趨庭宿願償黃石有書開帝
業布衣無地着思先自慚國士思圖報敢暴孤懷不

自強中卷在庭循誘際佩懷言行愈難忘

趙御史挽章

振藻儒林起趙宗殿前一賦已摩空筆參造化陽冰
篆氣屏權豪御史馳養老正期來祝嘏招魂何意入
新宮影堂一拜情瀟灑瑞露香殘翠竹風

上王翰林

白衣如鶴禁闈春九万曾搏北海鷗獨翼龍顏潛代
却親承雲錦織天孫兩朝耆德尊元老千古雄文說
赦恩寂寞黃金臺下客詠歸心久在龍門

夢受庭訓其中領景二聯蓋

先君之意云

老月驚風夜色蒼羈魂明隨几筵傍音容恍對如生

在教戒無多止義方芟歌似傷時祭闕松楸應念墓
田荒牽衣未畢城烏起晚枕縱橫泪幾行

贈孟文伯

秋月堂深劍履寒相逢一語破春顏心君意豁驚囊
穎豹體文奇見霧孤節共高殷侑壯片言誰拔子
卿還笑拋燭影金釵夢長繞天墀十二間

壽姚宣撫

咸池朝日覩離明羽翼功高見老成相體共推安石
雅襟期全得伯夷清黃金眼冷燕臺望赤羽心馳魏
闕情鄭重一杯千歲酒調元消息在新正

周仲寅處覓貂帽

炙手權門已強顏蒯緱未免向人彈晨鐘聲裏霜侵

鬢蘭省臺邊雪滿鞍貂恰擬從公子覓客床應念廣
文寒何當花影烏衫側一笑春風拍畫欄

邢夫人拜慶詩軸

對君如讀開元報歷七聲明見典刑欵曲每憐名父
子顧瞻疑是老人星一言楚獄陰功厚百世名談汗
簡青濱海歸來非我志春江乘興看浮萍

鎮州懷古

趙武雄圖不可尋風煙東接九門深炎涼到此分南
北戰伐無情自古今彈躡流風猶戰國椎埋遺俗帶
燕音劒歌不遇平原客落日滹沱動旅吟

祇謁 昭烈皇帝廟

一劒功成百戰場三年章武事堪傷力扶漢祚圖燃

燼規取劉璋出侮亡若論託孤徒啟篋試評含泣到
分香秋風一掬宗臣血五丈原頭落日蒼

燕城書事二首

都會盤七控北垂當年宮闕五雲飛崢嶸寶氣沉箕
尾慘淡陰風貯朔威審勢有人觀督亢封章無地論

王畿荒寒照破龍山月依舊中原半落暉
朔風千里捲孤蓬斗酒難澆碓磊育清濁滄浪知自
取蒙茸狐服竟誰從燕臺坐老黃金客甲第爭高白
玉鐘撥土便成千尺榦露思初不負崑松

望西陵

漳川北岸望西陵馳道東連講武城將畧有餘開戰
伐墓碑無謂自題評一棺何在彌天力九錫徒誇盜

漢名千古遺墟冷烟底定軍山樹拂雲平

牧野道人

野人川浴振裳衣况接恩波沐鳳池莫訝出門何刺
刺須知去國自遲上河橋飲餞無千騎文物聲明又
一時有淚不揮離別際西風空送雁行悲

奉送平章趙公赴

闕庭之召少荅省檄見招之意云

龍旆南還沸捷音漢臺凝望幾登臨洗兵未用挽天
漢入夢應知有傳霖暖日晴消青海雪春風重掃黑
山陰

君王若問來歸策為說 虞皇待象心

贈鄉先生韓義和

草服黃冠玉練顏一壺天地市朝間飄上野鶴雖無
繫戀戀鄉情尚未慳幽睡不妨紅日晚青山誰似白
雲閒何當一劔飛空去好為留題過故關

送常道人子明

道士何心作羽流擇音應避物為仇冷風身世三千
界碧落仙居十二樓無地可留雲表鳥有懷終結竹
林遊因君喚起西遊興滿眼太行黃落秋

送劉同知還鎮陽繼士觀韻

幾人襟韻似君侯潘岳閒居賦遠遊白雪高歌南郢
重壽山長路太行秋隱居正有千林玉濯足何須萬
里流一曲驪駒頓丘北碧雲零落使人愁

為王朝顯贈梁邦傑兼簡郝勸農

漳南客子王朝顯日暮塗窮仗友生今夜遠投回沁
水傍冬索米入共城千金諾重河東守一府蓮香白
壁卿詩藁不須詢幾束溪聲山色揔關情

和幹臣今晨所見

庚金乘火勢相高午夜秋風散鬱陶氣錯不調伊摯
鼎雨溼空續楚臣騷人占樂歲無遺慮我覺天刑未
可逃除治菊荒還寓目青山城郭幾週遭

大風

六合塵沙一混同羣龍無力障驚風旱乾到此誰歸
咎天道從中見蔽蒙詩枕夢驚茅屋破山林春老綠
陰空雄文便擬昌黎訟九虎當閣未易通

雨後草堂即事

駭浪崩騰點額餘歸來縮首伴凡魚門從席後軒車
少鬢自蒼來酒殘疎坐掩殘書懷苦節自鋤明月種
秋蔬鄰人共指楊雄宅只有兒童未喚烏

挽季子文

一丘宿草縣城東前日花時杖屨同白壁不埋連邑
價青燈空負十年功鵬來近舍傷君去麟出非時見
道窮修短偶然吾適值不須作賦問天公

初從拱把見凌雲天意栽培似厚君大厦如傾榑棟
在神交遽爾死生分白駒空谷歸何處夜雨他年不
忍聞吾道已窮來者替兩行清淚為斯文

絳帳絃歌日涕闐去煩從簡屨為言自春卧病無三
月一死埋魂入九原桂實未霜驚早落鳥聲解語惜

空喧東門最是傷心地老父哀號血洒轅

五年六月初八日夜夢

遺山先生指授文格覺而賦之以紀其異
分明昨夜夢遺山指授文衡履約間道必細論能出
理文徒剽竊亦何顏江流不廢驚千古霧管時窺得
一班落月滿梁清境覺紫桐花露濕銀冠

夏日南堂即事

一雨清涼恰四朝霧絲縈戶見蟪蛄病因戒酒成真
止辭免書門絕妄交道拙尚憂兒墜簡家貧且喜稼
盈郊閒庭綠蘚泥融遍燕子飛來補舊巢

同幹臣讀漳濱唱和詩軸

草堂舊雨記相尋細嚼漳濱唱和吟白雪調高雖寡

和朱絃聲邈有遺音屏寒蒼渚奇逾出氣奪元胎理
更深一洗向來箏笛耳坐聽三峽瀉瑤琴

高山仰止為千尋更對佳人與細吟藝絕六鈞俱破
的調高千古得知音靜藏脫兔無窮變法比滄溟不
自深客去洒然心境寂滿軒秋氣入絲琴

謝人惠瓦甌

老雨崩崖為爾開野人携贈入芸齋
奕陶有意成三代奠獻曾經備兩階
上攢圓吭蹲野鶴中橫儲復怒
池蛙鈎深免汝居危地時插秋香慰老懷

六月初七日夜雷雨大作

落日山雲擁蓋幢二更雷起雨翻江
六丁怒瀉銀河水千杖齊敲羯鼓腔
耕隴樞苗秋有望炎官收傘夜

深降一掣聞說西江上早晚龍移似老龐

和幹臣韻

雲漏疎星不滿天坐來風雨點西山百憂鯨鬣翻滄海一喜涼飈入白間蜚不成災休紀異暑雖初伏暫知還雨傷早損俱咨怨讀罷君詩一破顏

雨後出門言懷

壯年祇死別菑薰老去收藏省一身祿不安干時有待道從深探理彌真克腸有薺固云苦舉扇無塵可汚人洗我曾襟閒塊磊門前秋水碧粼粼
氣烏飛魚泳見天萬書叢裏自陶薰浩浩堪與寄一身未靜藝坯存夜氣烏飛魚泳見天真學從踐履安天命世要經綸有若人林下幻安應未老且教雙足濯粼粼

和幹臣雨晴出郭之什

飲散公庭樂亦陶西河乘興喜同遨河神偃蹇誇秋水山翠空濛上鬢毛乍脫城居驚眼放縱教詩思與秋高鴻飛燕集隨時處誰美備耕隴上豪

秋澗先生文集卷第十四

秋澗先生大全文集卷第十五

七言律詩

蘧大夫廟

芒鞋兩自近關行
頗訝先生出處輕
道亟卷懷傷喪
亂仕因公養辟專
榮輟車彷彿公門
敬寡過依稀聖
者清故國令烟喬
木老至今君子號
御名

苦雨吟

禾頭生耳駭輪囷
一雨霖靈迫兩旬
蛙出坎居喧鼓
吹蟻連封埵失君
臣陰沉便恐陽烏
慘飛舞爭看石
燕神寄謝碧鷄坊
裏客不煩羨釜怨
生塵

迎秋

大暑推回酷吏輶
先聲傳喜到梧楸
清商載路歌夷

秋澗先生文集卷第十四

秋澗先生大全文集卷第十五

七言律詩

蘧大夫廟

芒鞋兩自近關行
頗訝先生出處輕
道亟卷懷傷喪亂
仕因公養辟專榮
輟車彷彿公門敬
寡過依稀聖者清
故國令烟喬木老
至今君子號御名

苦雨吟

禾頭生耳駭輪囷
一雨霖靈迫兩旬
蛙出坎居喧鼓吹
蟻連封垤失君臣
陰沉便恐陽烏慘
飛舞爭看石燕神
寄謝碧鷄坊裏客
不煩羨釜怨生塵

迎秋

大暑推回酷吏輶
先聲傳喜到梧楸
清商載路歌夷

則白駱前驅候薦收氣肅衣裳初復辟露清行殿拜
疑梳若論成結功尤著不解詞臣九辯愁

明霽

雷霆威霽雨初迴戰罷昆陽萬馬摧成結歲功真有
望洗清天宇覺重開秋菌出木驚朝暮野水增波阻
往來腰足痺頑欣一散約携藜杖晚登臺

箕子廟

唐在汲郡

剗剔忠良詫肉林當年愁絕父師心道傳未害奴為
辱俗古方知化獨深上念聖湯思自獻下逢周武是
知音野烟無地尋遺廟空詠芄芄麥秀吟

挽梁防禦邦傑二首

酒船茶竈柳溪烟把臂論交記昔年列郡剖符方再

考銘旌埋退便終天風纏大樹摧蘇嶺雲黯歸魂近
赫連四十三年成底事一杯慟絕九山前

梁侯躍馬英妙年大冠修劍身頽然閉車過市殊不
樂快意耳後抨驚絃朝吟醉臥石樓上暮歸射虎南
山前聞說三城足遺愛令人空憶使君賢

奉答彥正參議書問

清晨庭鵲喜相呼薄暮敲門得素書地重每愁屯煦
腮人來還喜駐清居煙開瘴嶺三軍壯氣壓巴江百
戰餘一檄我知邊報靜西南爭識漢相如

酒醒聞雪作呈陳侯

陰雲低壓濕衡茅暖透衾裯地氣交縞色漸生明月
幌風聲先到碧筠梢誰家獵騎長圍去何處柴門向

曉鼓開歲春風兩岐秀竚看晴浪際農郊

至元四年歲在丁卯暮春之初陪陳王二
郡侯泛舟清水魚携妓樂

山圍牧野青未了河抱鄗城勢轉雄高會遠為開府
設仙舟還許李膺同春光淡沲明歌扇吹管飄蕭颺
遠風鄭重使君雙皂蓋月灘留醉恨匆匆
風暖溪深夾岸花緩移蘭棹轉灘沙醉停杯酒清歌
看弄漁舟白日斜誰與浣花徵故事行觀春物到
家沙堤不用雙紅燭馬首歸時月有牙

故事太守自正月廿
月及浣花止

路轉無多曲風軟舟輕恰數人汀樹弄晴供望
眼岸花迎笑喜行春千年勝賞蘭皋在五郡謳吟使

節新多謝純風吹醉帽惺惺恰及到城闌

寄玉總管子初

新築茅堂並水扉柳陰连接到漁磯平疇綠滿禾方
秀高樹涼多露未晞扶策不干丞相府入山終製芟
荷衣故人好在龍津府書葉翻香吏事稀

和節齋言懷詩韻

元龍湖海見平生老我韜鈴未易兵格物志精先實
學揀時心切耻虛名風雲自是龍頭客吟笑空懷壠
上耕袖裏驪珠三百顆每從開讌得晶明

林塘秋曉

躡足烟霄謝俊遊野人高興在林丘近山欲雨先衣
潤秋水增波拍岸流水葉靜時存復理人心安處即

天遊隔溪田父治荒穢斜日疎烟滿樹頭

卜築

塢溪流水抱村斜林杪青山隔岸賒平日買田惟樂
此他時成趣要移家溪邊種柳眠黃犢竹底開門繞
白沙任使旁人呼漫浪雨蓑無負釣魚槎

送王子初總管奉

詔北上

聖代崇儒意匪輕微車相望半諸生九天雨露思賢
相十載經綸見老成更化有方先定制採時無驗是
虛名烟霄未遂攀鱗志葵藿空懷向日誠

簡寄楊治中文卿

貳車沁水瞻高駕簿領兩臺有舊遊邂逅一樽淇上

酒笑談千古庾南樓豐狐闔首藏三穴一鴉盤空健
九秋聞道清源足佳景竹林煙雨夢西州

上史丞相

百揆端歸一相尊中臺替隱北溟鯤人間桃李爭晴
晝天上風雲擁戟門駕蹇過知思一顧家山回首惜
空奔幸蒙翦拂長鳴去會有文章報至恩

題相者訾洞春

野隱東過滄海翁醉吞秋日入心胸神機深探乾坤
秘真氣曾驚戶牖龍驢背老髯掀一笑春風歸路指
三峰昂藏我似賓天鶴夢遠仙盤露影濃

和高麗參政李顯甫

恩波如海際天隅一日京師識老蘇喜向巖廊瞻漢

相款隨仙仗聽嵩呼衣冠自是乘槎客文采還驚照
乘珠共羨朝天蒙寵渥三韓秋色滿歸塗

開平夏日言懷

土屋甕燈板榻虛一餅一鉢似僧居半編翰草從人
讀兩鬢霜華向曉暖客子衾裯殘夢短暑天風物暮
秋初故園松菊荒多少豈不懷歸畏简书

却送雲叟公

寶鞍塵土滿香羅因送行臺振玉珂出郭快於鷹脫
帽歸懷爭奈敲移窠夕陽明處亂山淺碧草深時毳
帳多自懷囊錐無利穎青雲臺閣半常何

直中書省

紫禁彤廷尺五天沉沉碧綺鎖秋烟鳳池波煖鏘鳴

珮翰苑才疎愧昔賢人世好懷能幾度風埃長路已
三年綠陰好在西園樹辜負移床聽晚蟬

開平晚歸七月一日授翰職

龍首堦邊野草深秋風濛濛水動歸心百年蓬巷開圭
竇一日恩光照士林吟鬢有光浮鏡玉家書封喜認
泥金料應曉月簾櫳底乾鵲飛來報好音

平竹

三徑歸來已就荒更堪庭實嘆云亡窓間月出思清
影簾底風來憶細香便擬碧蘚留賦詠恐應塵俗到
膏肓未容分斲蒼苔破柱杖敲門有底忙

和龐參軍雲卿詩韻

萬事雲翻總釋然不禁哀樂近中年此生得處便為

樂自斷從今不問天最喜遇知傾底裏譬如食蜜味
中邊吾鄉賴有諸卿在歸隱終期覓魯連

送陳尚書經略成都

暫辭喉舌去籌邊調餉中間別有權拓境要當成筭
後務農思在訓兵先雪山已覺公來重玉壘休矜蜀
險偏東北更看諸葛表春風晴霽錦江煙

太原筆工李子昭許贈予雙筆久不見付

作詩以問之

子昭過晉喜新知雙筆親承遠見遺脫帽一從休老
穎臨池幾負躍蟠螭正煩筠管篋於臂細理毫鬚健
作錐久向夢堂驚五彩貯雲含霧莫來遲

聞諸軍飛渡鄂者前次建康

節駐長洲已浪然鐵絙鎔冷瘴江烟膠舩浮海從南
遁潢日行天總北旋牛後舉知非晉祚曆期應計過
唐年至元

天子如天覆莫遣虛陳坐榻羶

秋日會牙城白雲樓燕行院使者及嘉定
府新附諸校座中觀西山風雨

望際煙霏濕翠幃雄風先作雨前聲鴻濛氣合先天
境慘淡川迴得意兵涼吹遠隨悲管發壯懷還傍醉
吟生三年畫戟清香地慚愧終童繫越纓

賦西城鸚鵡螺杯

老月輸精射海波珠繩分秀貫神螺鷓斑漬粉垂金
蕤鸚啄嫌寒縮翠窠樽出瘴藤紋浪異瓢成椰子腹

空罇飲餘疑與溪娘遇一笑相看發浩歌

乙亥夏六月廿四日西城即事馬上望姑
山煙雨濃淡開闔有不可端倪者偶賦是
詩以紀其奇觀云

連山中斷鬱蒼陘全晉罇紆未了青方訝野煙沉澗
壑忽驅涼吹滿林垆天邊雨脚排銀竹物外仙家列
畫幃擬是姑仙遊八表笑迴龍馭下滄溟

挽翟器之八月十七日清晨夢翟君器之
晤言者良久覺後賦此以悼魂而有靈恐
當擊節也

淡癖相看忽四年襟期樗散鄭家皮隸書思入銳刀
法畫品人推具眼禪滿壁滄洲驚絕筆一樽別酒是

終天不須只聽山陽篴日暮懷人已慨然

哭郝內翰奉使

大河東滙杞連城之子南來器宇益義契重於平昔
友斯文公與後來盟苦心問學唐韓愈全節歸來漢
子卿十六年間成底事長編惟見使華名

次楊子英詩韻

十年芸閣想差肩曾侍紅雲尺五天幕府蓮波知
泛麟臺勲業浩無邊劔埋古獄終衝斗玉蘊藍田煖
自煙留取胷中疎俊氣它年揮手障汾川

題開封府後堂壁至元十三年被

省院檄同開封尹陳侯試河南儒士四月
十九日抵京授館開封後署相與握手話

舊且及包范二公事業時予耳疾止酒談
喙間暮雨大作連明因述鄙語以奉一笑
使輅南下入京華滿眼交親笑語譁共訝老螭蟠北
海自憐賤子宿南衙關河痛別襟期豁風雨翻空夜
氣嘉負殺清樽三百爵胡床相對看蒼花

投宿洧川驛時病耳

話長不覺道途修馬轉河堤入宋樓時事未容談笑
故園難遂去來休一天梅雨方初夏兩耳蟬聲預
入秋最喜此行陪逸駕未妨吾道付滄洲

許昌道中

一雨長途送曉涼陌塵壓盡燕泥香醉歌金縷辭梁
苑笑拍吟肩入穎昌人物消沉清議在風雲開闔

蒼應憐一片西河水空照行人兩鬢霜

穎封人廟

在宋樓鎮西三里古堤上至元十三年
夏四月考試河南同陳節齋過其廟陳
為索賦故有是作

穎府遺廟枕高墉窈窕丹青戶牖空治道得人無國
小孝心錫類與天通當年大隧融融樂此日喬林凜
凜風總道茆焦賈餘勇從容難似片言功

友人喪馬

老驥蹉然燕色蒼今春常記遠乘將翻江風雨曾何
夢伏櫪飢寒想備嘗既之淑惟酬逸德忍令銅馬葬
人腸玉鞭剪斷春遊興驢背清吟要細償

南陽府試院中作

牙堂瀟灑敞晴疏
薜荔墻深五畝居
起敬對瞻元凱廟
訂頑欣得鶴山書
心非道義為充實
身與乾坤恐自疎
暮倚城闌還一笑
竿頭蚯蚓引鰲魚

寄李士觀

時在襄陽兼簡好古即中

拚醉清樽洗別顏
我來君往轉淒然
遙看漢水無三百
不覩清揚已五年
甕舞未收輸鬼笑
候蟲多足反夔憐
義襟誰似張京兆
早為吹噓使北旋

張京兆謂張好古

時在襄陽徵理錢穀等事

南陽北城同陳節齋晚眺

大野東豬楚塞遠
清川西鷺抱城斜
瓜分鼎峙連三國
地廓天開到一家
丞相大名垂宇宙
龐公高節動

雲霞千年事往空遺跡
立遍殘楊數去鴉

宛葉道中

六合雲蒸一氣霾
漫漫長路渴生埃
詩從白雨明邊得人自
青山盡處來
世路有機難預料
劇談供笑不時開
濟時賴有諸君在
漢苑秋風愧不才

次宿汝樓韻二首

解却征鞍細履園
月明深夜倚危欄
會慳共惜飄零久
心遠應憐語話殘
尚友共尋佳樹傳
逢辰不戴鷓鴣冠
傾囊擲下驪珠顆
依舊晶熒照乘寒

微雲河漢半晴陰
夜景蕭森夢化成
山色不隨喬木老
月華偏對故人明
鶴緣露警清無寐
蛙屬官居重有聲
廊廟只今紛治具
正容堅坐看昇平

贈別按察王立夫二首

時在洛陽
試院作

當年畫省憶同襟
此日南來又盍簪
夜雨喜成連榻榻
夢秋霜尤見故人心
義方外覺紛華遠
話久中傾底裏深
他日買田相約老
兩椽茆屋共雲林
眼中機括審時張
事外論量見直方
白璧不酬金屑笑
烏霜能護豸冠霜
煙花紫禁期推轂
風雨南州夢對床
更就信陵陵上月
一樽分手上河梁

留別節齋公因次嚴韻

雨露乾坤不少私
至人出處與同期
松筠冰雪有定操
人物江山見一時
着手正便捫蝨話
看雲難受絡頭絲
平生慕藺公應識
秋水長河有令姿

夜宿朝元閣下

圻垣樓觀天中央
星斗拱列靈壇蒼
月中清露翻碧瓦
殿簷風信搖金鐙
炎歊似殺赤燥怒
霧雨漫成玄豹章
時考試儒士於此故云
長纓土滿未容濯
金溝泛曉空蒼涼

挽呂權漕子謙

維至元十年歲癸酉夏六月 日江淮都
轉運使幕官呂公終于私第之正寢饗年
六十五越明年春三月東平尹信弘毅自
衛過晉始知公墓草已宿嗚呼哀哉公諱
遜字子謙系出東平望族父松金詞賦進
士第官至隰州刺史興定間城陷死節公
其次子也為人疏直愷悌樂道人善早歲

有賦聲生平喜作詩格律精嚴長於七言
近體或有問湏盡吐乃已然如法家斷案
不絲髮貸問者知所趣居漕府幾十年良
謀默計便公私為多其辱知最厚悼斯文
之不幸痛知己之難遇非歌詩無以摠予
衷也乃作是詩躬告墓左魂而有靈鑒茲

誠悃其辭曰

凌烟詞氣呂衡州一語神交二十秋漕府議高推獨
步詞壇吟苦入冥搜眼中着宿有今日地下周馥是
舊遊秋草滿丘新呂道未容車過淚先流

臨武堂讌醉後有懷 省臺諸公

桂月流光雪滿臺月明人影兩徘徊行雲不逐歌聲

散往事還隨去鴈哀雙鬢入秋無可白寸心於世未
全仄遙憐紅藥堦前客玉樹相依一笑開

簡寄陳節齋

別來碧海三山客偶得新詩慰遠情晝接夜談懷節
鄙風荷煙柳夢都城好翻故里三千牘且按秋風九
萬程最喜新涼換炎暑梁王臺上月孤明

鞠餘望月東臺即事

崖陴詰屈張煩疴老樹遺臺悵獨過山色滿樓簾影
薄柳陰橫沼鳥聲多兩河蓄潤開東雍千古秋風動
漢歌誰着梗陽人有獄鬢華尤叱向來儲

日用

萬彙何能臭味同洪纖強梗貴冲融屹於砥柱標天

險淡似浮雲度太空意或近私隨有礙事因無已即
成功莫將此理求諸遠總在平時日用中

送王丈子壽南下河中

白髮今年八十過故園歸興足蹉跎啓期三樂人爭
仰汲直高風古所多照眼關河增喜色過門香火盡
行窩後期望嶽樓巖上一笑雲烟入浩歌

郝提舉子甚至元八年冬見於京師楊氏
書院與之語溫醇有醴愉色粹然意謂奉
身周謹篤於其親者也今年春子官平陽
一日介吳君子明來謁具道郝南還之事
相與擊節嘉嘆久之噫方衰俗頽波中其
孝養有如此者孰謂曾閔之門和樂之氣

有時而息邪此心不墮豈特錫類而已哉
故傳曰惟孝友于兄弟施于有政其是之
謂歟喜為賦詩以贈且廣其敬養致樂之
心色難無違之旨云

古稱百行孝為先就養辭榮事更賢戀戀庭闈心向
切依依親眼望來穿蓼莪報德歌周雅令伯陳情感
母年衰俗陵遲有如此見渠福祿日綿綿

白樓晚眺

條山東峙畫屏開樓外長河一線來簷瓦蘸波驚夢
渚鏡鸞空影月臨臺千年事往情如昨滿目春傷恨
未裁更著野花留寶靨女牆隨意點晴苔

洪洞道中送客回有懷 子初舍人

親朋零落故人稀
白首相望更一涯
花底夢歸連夜酒
柳邊情在送行詩
賞心歲月能多日
人物江山又一時
許國壯心雖未老
向人孤抱欲誰知

公堂即事

鴈鷺行趨日出前
潭潭槐府靜秋烟
漁陽慘急三過後
簿領山如萬慮旋
圖報每虞遺少愧
焦勞何敢獨稱賢
更堪清畏堂中夢
夜夜歸心到日邊

清畏自榜
寓居堂名

和周錄事感春詩韻

微官休苦日奔忙
須信行藏在彼蒼
心計自憐嘗越膽
鬢華何計避吳霜
暫容巾挂三花樹
任使聲喧百鳥場
昨日平湖湖上過
綠波如縠要浮觴

夏縣道中

濕雲壓樹際岡平
溽暑還因小雨增
官事因人如縛虎
秋風吹野夢翻鷹
趨時未必儒冠誤
並隱端為野鶴憎
遙憶筠溪亭下水
萬竿蒼雪照吟燈

題聞喜廟學古栢

世傳清廟聖湯墟
老栢環除十六株
黛色青煙千古上
石根銅幹百城無
虬龍閱世蒼髯磔
疎影凌歊冷翠鋪
眇汝自慙詩禮客
摩挲三向孔庭趨

送張子文驛送戈甲前赴成都子文雲中

人至元八年冬相識於大都
李玄暉南菴吟君一軸餞行詩
西望峨眉有所思
山險不憂巴道路
雨多防濕漢旌旗
雄邊有策堪回奏
諭蜀能文正及時
儻見總戎煩告語
雪山輕重在謀為

總戎謂彥清潭帥

寄送朱信卿還吏部

故都喬木已蒼烟朱翼城人故都謂冀唐叔故都也玉樹臨風照眼
鮮暫着印窠封瑞錦要從鞭算看流錢燕山夜月紫
歸思平水春風夢別筵不得一杯光祖道汾岡回首
轉淒然

霍岳道中

郡寮招致遠相遇冒雨東登荷笠蓑比入廟宮三渡
水再尋蘭若重攀蘿傍山涼早疑秋近研澗溪喧覺
雨多庭下古碑堪晤語倚餘邛杖更摩挲謂劉神川修岳洞碑

霍邑懷古

堂堂義幟下并門六月風雲已併吞軟甲不憂三日
雨妖氛 厭兩都昏緬懷戍火城頭語死愧忠精地

下魂

謂宋老生也

慘淡鑿鈴原上月至今英氣凜生存合

送周錄事幹臣任滿赴都

青衫白髮老參軍銀管聊鋪兩考勲公吏檢身知禮
度兒童爭語說清勤春官吏選多書最祖帳東門惜
重分匣劔莫將塵自翳諫章論草要新文

送漢臣張弟

青青衿珮讀書郎邂逅姑汾意巨量老大正深鄉國
念飛翔不負少年場行沾紅藥塔前露夢到秋風豸
角霜此去固當強不息更須人事卜行藏

壽趙祕監輔之時奉使日本回西歸京兆

報國心丹氣益振一帆直徹海東垠三年契闊中朝
客百險歸來萬里身曠古使華清議在照人精彩壽